



Broj: 01-321/13
Vareš, 28.11. 2013. godine

Na osnovu člana 2.12. Izbornog zakona BiH („ Službeni glasnik BiH“ broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 7. Uputstva o utvrđivanju kvalifikacija, broja i imenovanja članova izborne komisije osnovne izborne jedinice u Bosni i Hercegovini („ Službeni glasnik BiH“, broj: 9/10, 37/10 i 74/11), te člana 22. tačka 24. Statuta Općine Vareš-Prečišćeni tekst broj: 01-162/12 od 11.09.2012. godine, Općinsko vijeće Vareš na 13. sjednici održanoj 28.11. 2013. godine, d o n o s i

O D L U K U
o raspisivanju ponovnog Javnog oglasa za imenovanje člana
Općinske izborne komisije Vareš

Član 1.

Raspisuje se ponovni Javni oglas za imenovanje jednog člana Općinske izborne komisije Vareš.

Član 2.

Javni oglas, iz predhodnog člana, objavit će najmanje u jednom sredstvu javnog informisanja koji izlazi na području Bosne i Hercegovine, na web stranici Općine Vareš i na oglasnoj tabli Općine Vareš.

Član 3.

Postupak Javnog oglasa provest će Komisija za izbor i imenovanja (konkursna komisija), u skladu sa odredbama Izbornog Zakona BiH i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH.

Član 4.

Komisija će najkasnije u roku od 8 dana od dana zaključenja Javnog oglasa utvrditi listu kandidata za člana Općinske izborne komisije i istu dostaviti Općinskom vijeću Vareš.

Član 5.

Sastavni dio ove Odluke je ponovni Javni oglas koji će se objaviti u skladu sa članom 2. ove Odluke.

Član 6.

Odluka stupa na snagu osmog dana od dana donošenja i bit će objavljena na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka je objavljena na oglasnoj tabli Općine Vareš 29.11. 2013. godine.

OPĆINSKI NAČELNIK

Kovačević Avdija, dipl. pravnik

O B R A Z L O Ž E N J E

Pravni osnov:

Sadržan je u članu 2.12. Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), te u članu 22. tačka 24. Statuta Općine Vareš- Prečišćeni tekst, broj: 01-162/12 od 11.09.2012. godine i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10 i 65/11), Općinsko vijeće donosi odluku o objavljivanju javnog oglasa za imenovanje člana Općinske izborne komisije i imenuje komisiju za provođenje postupka po javnom oglasu.

Razlozi za donošenje Odluke:

S obzirom da nije data saglasnost Centralne izborne komisije na Rješenje Općinskog vijeća o imenovanju člana Općinske izborne komisije Vareš, broj: 01-269/13 od 26.09. 2013. godine, iz razloga što nisu ispoštovane odredbe člana 2.2 stav (4) i 2.14 stav (1) Izbornog zakona BiH kojim je propisano da se u sastavu općinske izborne komisije osigura da broj članova manje zastupljenog spola bude najmanje 40% od ukupnog broja članova, te je Rješenjem Centralne izborne komisije broj: 06-1-07-1-306/13 od 10.10. 2013. godine obaviješteno Općinsko vijeće o istom. Vijeće je na 12. sjednici, održanoj 29.10. 2013. godine svojim Rješenjem stavilo van snage ranije donešeno Rješenje i samim tim ukazuje se potreba da se pokrene ponovni postupak za imenovanje, člana Općinske izborne komisije Vareš.

S tim u vezi s Izbornim zakonom BiH i Uputstvom o utvrđivanju kvalifikacija, broja i imenovanja članova općinske izborne komisije, Izborne komisije grada Banja Luke, Izborne komisije Grada Mostara i Izborne komisije Brčko Distrikta BiH neophodno je donijeti Odluku o raspisivanju ponovnog javnog oglasa za imenovanje člana OIK-a Vareš.

Članom 7. naprijed navedenog Uputstva propisano je sljedeće:

„c) po zatvaranju javnog oglasa komisija za provođenje postupka po javnom oglasu podnosi pisani izvještaj nadležnom organu u kojem navodi sve relevantne podatke za svaku osobu koja je podnijela zahtjev po javnom oglasu. U navedenom izvještaju komisija vrši klasifikaciju kandidata na one koji ispunjavaju uslove tražene javnim oglasom i na one koji ne ispunjavaju uslove. Sa kandidatima koji ispunjavaju uslove javnog oglasa komisija obavlja intervju, nakon čega sačinjava rang-listu sa redoslijedom kandidata prema uspjehu postignutom na intervjuu i istu dostavlja nadležnom organu;

d) nadležni organ, cijeneći položaj kandidata na rang-listi iz tačke c) ovog člana, donosi odluku o imenovanju člana izborne komisije“.

S obzirom da je donošenje ove odluke vezano za provođenje odredbi Izbornog zakona i podzakonskih akata, predlažemo da se ista razmatra u formi prijedloga i ista usvoji u predloženom tekstu.

OPĆINSKI NAČELNIK

Kovačević Avdija, dipl. pravnik